

Siunnersuut uunga: Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. xx, xx.xx.xxx 2016-imeersoq.
(Aningaasaqarnermut Akileraartarnermullu Naalakkersuisoq)

Akissuteqaat

Aappassaaneerinneq

Aningaasaqarnermut Akileraartarnermullu Ataatsimiititaliaq inatsisissatut siunnersuutip suliarineqarnerani sukumiisumik sulisimaneranut Naalakkersuisut sinnerlugit qutsavigaara. Inatsisissatut siunnersuut, Naalakkersuisullu allannguutissatut siunnersuutit saqqummiussaata ataatsimiititaliap isumaqatigiittup akuersissutigineqarnissaannik innersuussinera Naalakkersuisut iluarisimaarpaat.

Naalakkersuisut paasinninnerat naapertorlugu inatsisissatut siunnersuut pisortani pitsaanagerusumik aningaasaqarnikkut aqutsinissamut pingaarutilimmik alloriarneruvoq. Peqatigisaanillu inatsit pisortat aningaasaqarnerisa suli attanneqarsinnaasumik ingerlanerani qulakkeerinissamut toqqammavissaavoq pitsaasoq.

Inatsisip ikaarsaariarnermi aalajangersagaani teknikikkut erseqqissaasoqartariaqarneranik pisariaqartitsisoqartoq Naalakkersuisut eqqummaariffigaat. Malittarisassat maanna atuuttut qaqugu atorunnaarsinneqarnerannik qulartoqalinnginnissaa erseqqissaassuteqarnikkut qulakkeerneqassaaq. Taamaammallu maannangaaq sapinngisamik piaarnerpaamik inatsisissatut siunnersuutip pingajussaaneerqarneranut atatillugu erseqqissaataasumik allannguutissatut siunnersuummik naatsumik Naalakkersuisut saqqummiusilersaernerat ilimasaarutigeriissavara.

Taama oqaaseqarlunga inatsisissatut siunnersuut allannguutissatullu siunnersuut Inatsisartunut suliassanngortippara.